

Москва, Центр Армянский
пер. 13, Всесоюзной книжной
палаты - 1 этаж

Вань странаосысь пролетарийёс, огазеяське!

Воскресенье
29
июнь 1941 ар
№ 52 (161)
2-ти арза пота.
№-лэн дуныз 5 коп.

КОММУНИЗМЕ

Редакциялэн адресэ: ст. Пычас, УАССР, Коммунальной ульча, дом № 17,
выльсь этаж, телефон № 14.

ВКП(б)-лэн
Пычасской
райкомезлэн но
Райсоветлэн
органы

Юос полысь жаг турыньёсын но вредительёсын нюр'яськоно

Туэ тулыс ю кизён кампания секытэсь условносын ортчиз. Тулыс кема кытиськиз, зорыса но кезыт улэмен бусы ужёсты жог нуны оз луы. Озы ке но, кизён выли агротехнической уровеньн ортчятэмын.

Жаг турыньёслы будыны туэ гужем куазь туж умой тупа. Бер киземен но музьем кот луыса пуксемен жаг турыньёс культурной будосёслэсь чалар будо. Соосты урон борды умояк кутсконо ни. Жаг турыньёсты уронэн бере кылд ке соос ю няньёсты жокатозы, колхозникёслэсь тыршемзэс юнме быдтозы. Сельскохозийственной вредительёс но жаг турыньёс нимысьтыз ик кышкытэсь луо етйны, бакча спонёслы, корнеплодёслы но чабейлы. Нош уг луы урытэк кельтыны мукет культураосты но. Кизёнэз выли агротехникаен орччятэм гинэ удалтонлыкэз решать уг кары. Выли удалтонлык басыны понна кизем юосты но культураосты пичи но вунэтоно овёл, весь чакласа улоно. Мукет ужёсыз коткыче выли агротехникаен орччыты, нош юосты урытэк кельтид ке выли удалтонлык басытон сярэсь эн ик малпасыкы.

Бусыосад уно ке жаг турыньёсыд—ужедлэн дуныз пичи. Жаг турыньёслэн ваньзы яке овёлзы сое возматэ, кызы ужа колхоз выли удалтонлык басытон понна нюр'яськон удасын.

Районыстымы колхозёсын юосты массовой урон кутскиз. Лудзи-Шудзи сельсоветысь Сталинлэн нимыныз нима, "Чемошур", Ивановской сельсоветысь "Красный пахарь", Туташевской сельсоветысь "Свой труд" но Молотовлэн нимыныз нима колхозёс арысь-аре выли урожай басытыло. Соос кизёнэз умой орччятэмен гинэ уг буйгатско, юосты утялтон'я мукет ужёсты но дыраз но сюлмаськыса быдэсьяло. Туэ но соос вазь ик юосез урон борды кутскизы ни.

Жаг турыньёслэн изьяны туж бадзым. Соос муз'емэсь питательной веществоосты быдто но муз'емез куасьто. Культурной будосёс сярэсь соос чаль будо, соин ик юосты жокато, будыны

луонлык уг сёто ни. Со сяна, сельскохозийственной вредительёс ваньмыз сямен нырысь жаг турыньёс пёлын юнмало, будо, собере ни культурной будосёсы воштысько.

Бусыез но кытызэ ик жаг турыньёс возёно овёл. Жаг турыньёслэн тысьёсы голэн вань бусыосы вёлмыны быгатозы, соин ик пичи гинэ жаг турыньёс инты (сюрес вёзты, канавоосты, малы ке кызытэк кылем интыосты) туж бадзым из'ян ваёз.

Урыськон ужез умой быдэсьямен но сельскохозийственной вредительёслы пумит нюр'яськемен чопик будосёслы подкормка но междурядной обработка борды кутсконо. Туэ валэс юослы подкормка тужгес ик кулэ луэ. Нырысь ик подкормка лэсьтоно етйн улэ но бакча будосёс но корнеплод'ёс улэ. Междурядной обработка жаг турыньёслы но вредительёслы пумит нюр'яськонэз капчиомытоз, будосёслы будыны нормальной условносы кылдытоз.

Озы ке но, районыстымы куд-ог колхоз'ёс подкормка лэсьтэм но междурядной обработка орччятэм гинэ овёл юосты урон борды но оз кутске на. Б.Кибинской сельсоветысь Васильевлэн но Фрунзелэн нимыныз нима, Б.Учинской сельсоветысь "1 Май" но куд-ог мукет колхоз'ёс кызыкузы но шертимте кидысён кызы, али но урон сярэсь уг сюлмаськына, юоссы жаг турыньёс согискемын ке но ни. Та колхоз'ёс жаг турыньёслэсь эшшо будэмзэс витё на, лэся, урыны "капчи" мед луоз шунса.

Юослэн но мукет культурной будосёслэн чылкыты понна ответственность нуо колхоз'ёслэн председателёсы, агроном'ёс. Соослы организовать кароно чылкытэсь бусыос понна нюр'яськонэз, ужез зечлык но дыраз быдэсьянылы контроль тупатано.

Виль вуно лэсьто

Писеевской сельсоветысь "Виль кадр" колхоз Чожи шур вылэ вуко лэсьтыны кутскиз. Али колхозник'ёс мыльсь-кыдысь тымет тымо, строительной материал дасяло. Та вуко август толзе лэсьтыса быдэсьямын луоз.

М. Гусев.

СОВЕТСКОЙ ИНФОРМАЦИОННОЙ БЮРОЛЭН ИВОРТОНЭЗ

26 июнь чоже тушмон фронтлэн уно участок'ёс аз кужмо наступление нуиз, но Красной Армиялэн частьёсыз солы кужмо пумит'яськызы.

Черновицкой направлений асьме войскоос тушмонлы Прут шур вамен выжыны но кыче луонлык уг сёто.

Фронтлэн бессарабской участказ Красной Армиялэн частьёсыз государственной границаез немецко-румынской войскоослэн натискыслэсь юн кутыса возё.

Скулеки котырын тушмон солы бадзым ыштон'ёсын Прут шурлэн шунды лүксён пал ярдураз сарпалтэмын.

Асьме авиацимы нунал чоже бомбардировать кариз Бухарест, Плоэшти но Констанца город'ёсты. Плоэштилэн районыстыз нефтя завод'ёс жуало.

Советско-финляндской границаын муз'ем вылын действовать карись частьёслэн пумит вуон'ёсы 26 июне ой вал.

Балтийской морены ась-

ме авиацимы но капчи морской кужым'ёс тушмонлэсь кык ву улты уясы лодкаосса зытйзы.

26 июне тушмонлэн авиациез ляб действовать кариз. Асьме бомбардировщик'ёсмылы немецкой истребительёс юн оз пумит'яське.

Быдтэм германской самолет'ёслэн лыдзы но асьме ыштон'ёсмы сярэсь данноес уточнятыся каро.

Пленэ басытэм румынской солдат'ёс верало, что котыкуд румынской полкылы быдэ ныйльдон германской солдат'ёс вис'ямын. Германской командование уг оскы румынской солдат'ёслы. Румынской войскоослэн мышказы котыку сямен ик германской артиллерия пуктэмын луэ.

Немец'ёс румын'ёсты кужмын ожмаськыны косо, малы ке шуод, румынской солдат'ёс ожез но немец'ёсты адзонтэм каро.

Белоруссины фронтлэн куд-ог участок'ёс аз туш-

монлэн солдат'ёсыз асьме боец'ёсмылэсь формазэс дйса асьме муз'еммы вылын действовать карыны кутекилызы вал. Красной Армиялэн частьёсыз со диверсант'ёсты ваньзэ ик быдтйзы яке пленэ басытйзы.

Шпионаж нуон понна тушмон Советской Белоруссилэн муз'емез вылэ 4-6 мурт'ем составен парашютной командаосты самолет'ёсысь васыкыт'яз. Соослэн сэбразы радиостанциоссы вал. Интысь улйсьёс парашютист'ёсты ваньзэ ик кутылызы но военной властьёслы сётылызы.

Германской солдат Адольф Лискоф Советской калыкылы пумит ожмаськыслэсь отказать кариз но асьме пала потйз.

Адольф Лискоф вазиськиз германской солдат'ёсты Гитлерлэсь режимзэ свергнуть карыны призывать карыса.

Тылпу потонэн нюр'яськоно

Гужем пёсьёс вакыт тылпу туж кышкыт. Со кышкыт толалтэ но, сйзыл но, нош гужем кышкытыкез солэн уката но будэ.

Тылпулэсь утялсконо понна вань колхозёсын кылдытэмын пожарной дружинаос. Со дружинаослэн социалистической но колхозной ваньбурез возманын ролызы туж бадзым. Соос калыклэн улонэзлэсь зечлыкэз возмало, общественной ваньбурез охранять каро.

Нош данакыстыз колхозёсысь пожарной дружинаос ужзэс татчыозь оз выльдэ на. Селькорёслэн уно гожтэт'ёсы но факт'ёс но возматэ сое. Уно тылпуос яке потыло, яке дыраз кысымтэен вёлмыло пожарной дружинаослэн член'ёсылэн та ужын умой-умой ужамтэзылы луыса.

Л. Шудзинской сельсоветысь "Красный Октябрь" колхозысь Фефанов эшгожтэ милемлы:

"Милям колхозыстымы пожарной дружиналэн член'ёсыз социалистической ваньбурез утялтон сярэсь уг сюлмаськыно. Депоин но кыче противопожарной тйрлык овёл. Ведрэ одйг гинэ, сиес но

энерчак одйг валлы гинэ дась. Кык интые одйг вал возё. Озы ик дружиналэн член'ёсыз но вош'яськемысь уг дугдо, одйг толэз кустын куать мурт ужаз ни."

Озы ик Б. Учинской сельсоветысь "Удмурт буби" колхозын но противопожарной мероприятия уг быдэсьяло. Чан'ёсы ву кыстаны вунэто, противопожарной инвентарь дась овёл.

Мало-Валожикья сельсоветысь М. П. Кузнецов гожтэ:

"Кызы пуктэмын "Коминтерн" колхозын противопожарной охрана, возматэ та че факт. Охраналэн членэз Л. Рябов уин 8-ысен 12 часозь дежурить карыны назначить каремын вал. Солэн туж кёлэмез потйз. "Одйг адями но изытэк улыны уг быгаты,—нош мон но адями ук",—малпаз со. Малпаз но, быдэстйз но. Только умояк кёлыны оз кылды солы: охраналэн начальникез Репников час жугыны кутскыку ик Рябов муз'ем вылэ вуэмын вал ни. Кышкаменыз со ум йылтйз вышкамысь "лобзиз."

Колхозлэн одйг но умой-умой тыметэз овёл, озы

ке но противопожарной охраналэн начальникез Репников со сярэсь колхозэз предупредить уг кары, колхозлэн председателез нош косэмлэсь азьло лэсьтытэк но луоз ай шуыса улэ, лэся."

Мало-Валожикья сельсоветысь "Активист" колхозлэн председателез Пудов озы ик ожыт сюлмаське тылпуосты быдтон сярэсь. Одйг тымет но овёл татын, шур дуре валэн гинэ овёл пыдын потыкуд но пыдесозяд нёдод. Общественной интыосын беспорядок, противопожарной инвентарь овёл. Противопожарной охраналы та колхоз но кыче саклыкэс уг вис'я.

Колхозной но общественной ваньбурез возман—ответственной уж. Котыкуд колхоз дружинаослы постоянной член'ёсты юнматано луэ. Дружиналэн член'ёсылэн ужзы час жугон гинэ овёл. Соос противопожарной мероприятия орччят'ян'я калык пёлын валэктон уж нуоно луо, тылпу ласянь кышкыт интыосты эскерылоно.

Тылпуосты одйгтэм быдтыны кулэ. Тылпуос пыр из'ян'ёсты колхозёс но колхозник'ёс азьланын медаз адзе.

Исторической Указ

СССР-лэн Верховной Советэзлэн Президиумезлэн "Тямыс час'ем ужан нунале но сизым нунал'ем ужан арнае выжон но рабочийёслэсь но служащийёслэсь предприяосысь но учреждениосысь ас сяменнызы кошконзэс дугдытон сярысь" Указ поттэмез дырысен ар ортчиз. Та ар данлыко луиз СССР-лэн калык хозяйствоезлы но социалистической промышленносты бадзымез азинскон'ёс ваменыз.

1940 арлэн нырысь жыны люкетаз промышленносты ляб ужаз. Производственной программа оз бядэс'ясыкы. Производстволэн бере кылемезлэн мугез ляб трудовой дисциплина бордын вал. Предприяосысь но учреждениосысь ас сямен кошкон, уже потонлэсь мугтэк кылэн калык хозяйстволы вераны луонтэм бадзым из'ян вайылзы.

Умой, честно ужась рабочийёсын, служащийёсын, интеллигентен огинын вань на сыче адымиос, куд'ёсыз асьсэлы пайда учан сярысь гинэ малпало, куд'ёсыз вунэто государство аздын асьсэ нырысь долгзэс. Интызэс дугдылтэк вошъясьёс, прогульщик'ёс, производстволэн дезорганизатор'ёсыз революционной порядкез осты но оборонала, социалистической злы мукет имушилэсь будонзэ жегатской государство, ачиз рабочий класс ас пльсэсты бере кылем элемент'ёсыныз котьку решительной нюр'ясыкон нуэ. Со нюр'ясыкон нимыстыз ик кулэ луыны кутскиз со дыре, ку международная обстановка эшшо но сложнойгем луиз, ку асьме котырысь капиталистической дуннеын кыктэтй империалистической ожлэн тылыз кенжиз, ку эшшо но будйз ожлэн асьме странылы кышкытлыкез.

Та выль верам муг'ёслы луыса ик поттэмын вал СССР-лэн Верховной Советэзлэн Президиумезлэн Указзэ. Указ пуктйз, что предприяосысь яке учреждениосысь ас сяменнызы кошкисьёс судэ сётйско но калык судлэн приговорез'я тюремной заключенилы подвергаться каро. Указ вошгйз мугтэк прогул понна ужысь куштон положениез. Со интые выль порядок пыртэмын, кудйз'я прогульщик'ёс судэ сётйско но судлэн приговорез'я исправительно-трудовой ужлы подвергаться каро (уждунлэсь кднэ-ке люкетсэ кельтон).

СССР-лэн Верховной Советэзлэн Президиумезлэн 26 июня 1940 арын поттэм Указзэ, кудйз кутэмын профсоюз член'ёслэн индигативазья, предприяти-

осын трудовой распорядокез юнматйз. Жутскиз ужлэн производительностез, предприяосысь ас сямен кошкон дугдыз, чутырак кулэсмиз прогул'ёслэн лыдзы но выль кужымен вёлмиз социалистической чшататскон, ударник'ёслэн лыдзы унолы будйз.

1939 арын чшататыса, 1940 арын асьме промышленностымы 11 процентлы уногес продукция сётйз. Промышленностылэн куд'ёс кимаз отрасльёсыз оз ке но бядэстэ производственной планзэс, кылдытэмын вал условияс промышленностылы 1941 арын будыны.

Озы ке но со задача, кудзэ пуктйз СССР-лэн Верховной Советэзлэн 26 июня 1940 арын поттэм Указзэ, бядэсак бядэстэмтэ на. Уно предприяосын прогул'ёс ожит ке но луыло на. ВКП(б)-лэн XVIII Всесоюзной конференциез куриз, чтобы прогул'ёс одйгтэм бидтэмын мед луозы.

8 час'ем ужан нунал дуннеын самой вакчи ужан нуналэн луэ. Со мед луоз самой производительной но. Нош али вань на предприяос, кытын кулээз'я чурят овёл на финансовой дисциплина, кытын уно ужан час'ёс производствоез умой организовать карымтэлы луыса пёртэм векчи уж'ёслы кошкко. Ужасьёслэн но оборудованилэн ужтэк улэмзы государство уно ыштон вае.

Задача луэ со бордын, чтобы производительно ужаны ужан дырлэсь вань 480 минутсэ. Вунэтоно овёл, что ужлэн котькуд минутэз странамылы выль ценностьёс сётэ, котькуд ыштэм минут государство из'ян вае.

22 июня 1941 арын германской фашист'ёс асьме странылы выль нападение нуны кутскизы. Асьмелы та вакыт асьме ужамы эшшо но организованно, эшшо но производительно ужано, чтобы Советской Союзлэсь священной границаоссэ лотэм пунослы кулээз'я пездэт сётыны.

Котькуд советской патриотлы, кытын гинэ со медаз ужа, вунэтоно овёл, что туннэ ужаменыз со азылаынын вормон'ёсты дуре.

Прогоул'ёсты выжыеныз бидтыса, трудовой дисциплинаез юнматйса, ужлэсь производительностезэ жутыса эшшо но юнматомы асьме промышленностымес но транспортмес, эшшо но кужмятомы асьме странамылэсь военной но хозяйственной мощсэ.

ВКП(б)-лэн Пычасской райкомезлэн парткабинетэз каждой нунал 8 часосен чукна 10 часозь жыт

Пиос'ёслэн интыязы султом

От куинь сю мурт нылкышноос люкас'кызы 25 июня Пычасысь Кировлэн нимыныз нимам районной клубе. Служащыйёс, домохозяйкаос, предприяосын но чугун сюрес бордын ужась нылкышноос бадзым вниманием обсуидить каризы Молотов эшлэсь верамзэ. Вань нылкышноослэн мылкыды патриотической духен тырмемын. Раймаглэн продавец Ашихмина эш шуиз: —Ми юн оскиськомы, что зарвавшейся тушмон асьме муз'еммы выльсэ сэрпалтэмын луоз. Озы ик тодйскомы сое но, что вормон асьмелы капчи уз сётйсыкы. Красной Армия юрттон понна ми ас ужамы вань кужыммес поныса ужаломы.

Домохозяйка Шапошникова эш шуиз:

—Странамылы грозной час вуиз. Советской калык та вакыт огазеяськемын но дисциплинированной луыны кулэ. Озы огазеяськемын, чтобы фашистской пунослы чурит пездэт сётыны мед быгатомы. Ми, нылкышноос, пиос'ёс сямен ик дась родинамес возманы. Кулэ ке луиз, ми воштомы производствосысь пиос'ёсты но ас честной уженымы героической боец'ёслы юрттомы. Озы ик ми дась ужаны колхоз'ёсын но, чугун сюрес бордын но, котькытын, кытчы ужась кулэ. Соин ик ми призывать кариськомы вань нылкышноосты техминимумез дышетскыны. Нылкышноос решить каризы техминимумез дышетсконъя кружок кылдытны. Озы ик ужалоз ГСО кружок но.

Е. Пономарева.

Тушмон бидтэмын луоз!

Капчи зор бере шунит шунтэ гужем шунды. Вож гуждуро улчаны уно калык люкас'кемын.

—Фронте мынйсьсыз келяло...—кыльське шыпыт вераськем.

Трибуна выль мобилизовать карем колхозник И. С. Кадров потэ.

—Германилэн фашистской правительсьсыз СССР выль разбойничьей нападение лэстйзы. Вир юись фашистской пунослэн та нападенизы советской калыклэсь но бидэс дуннеысь ужасьёслэсь мылкыдзэс пумтэм йыркурентырмытйз. Ожез кенжытйсьёс бидтыны туртеко асьмелэсь шудо улонмес, мирной ужмес. Уз, ноку но бидэстыны уз быгатэ, соос сое!

Асьме данлыко Красной Армиялэн радаз мыныса, мон кылме сётйско вань кужымме поныса родинамес в о з ь м а н ы. Мон тодйско, ма понна мынйсько ожмаськыны, соин

ик мон родинамы понна улонме сётыны дась.

Эш'ёс рабочийёс, служащийёс, колхозник'ёс но колхозницаос! К о т ь к у д ужан инты боевой пост луыны кулэ. Мирной ужем юртлэ асьме Красной Армиямылы исторической задачаез бидэстыны, зарвашося тушмонзэ бидтыны!

Фронте мынйсь луоно боец'ёс но калык Кадровлэсь кыл'ёссэ куиньполэс „ура“ кеськонэн пумитало.

...Яркыт пиштэ пуксён палаз васькись шунды. Вож-вож улэ гужем зорен гылтэм гуждор. Омыр чылкыт, с'юлемлы капчи шоканы...

Ожез бёрсы мукетыз кошкко вагон'ёс. Кян ке шукиськись куараен кырзаны кутскиз, со борды итиськиз вань калык: келясьёс но, кошкисьёс но.

—Зеч возмалэ!

—Данлыко луыса бертэлэ!

—Сюресты шудо медло, бертон сюресты—солэсь но!

Родинамес возманы дась

Пычас МТС-ысь фронте мынйтэк кылем тракторист'ёс асьсэ ужазы честно, добросовестно ужаны обяжаться каро. Ардашев И., Коротаев П. но Кремлев тракторист'ёс обяжаться каризы тракторен ужан нормаосты 200 процентлы бидэс'яны. Кремлев но Ардашев азывыл но стахановской амалэн ужало вал, нормаоссэ 140—160 процентозь вуттыса.

—Ми ужаломы озы ик самоотверженно, — шуиз тракторист Ардашев,—кы

международной положение но Германиян ож сярысь нимаз мурт'ёслы но групповой консультатция сётъя,

Парткабинет.

Жаг турынез уро

Мало-Валожикьинской сельсоветысь „Красная броня“ колхозысь колхозницаос но пинал'ёс чабей но сезы урон бордын ужало. Уроно площадьлэн 50 процент ёроссэз урыса бидэс тэмьн ни. „Коминтерн“ колхоз но 75 гектар ёрос тисё юосты уриз.

Лудзи-Шудзинской сельсоветысь Сталинлэн нимыныз нимам колхоз етин опялять каронзэ бидэстйз. Татын уриськон но азинлыкы мынэ. Тисё юосты уремени чаш бакча емыш'ёсты но корнеплод'ёсты уро. Колхозницаос норматив оссэс нуналмысь мултэстыса бидэсьяло.

Камашев, Пименова.

Татын уж бере кыле

Б. Кибинской сельсоветысь Степан Разинлэн нимыныз нимам колхозлэн правлениез вань ужез бере кельтэ. Пар гырон план'я 5 июнэзь бидэстыны кулэ ке вал 23 июнь азэлы 85 процентлы сяна гыремын ой вал на. Та колхозын выль урожай бастон выльсь стахановской амалын ужасьёсты колхозлэн правлениез уг дун'я, соин ик колхозник'ёс но колхозницаос пёлысь ужаны потамтэос но вань. Озы ке но, та уже потамтэосды но кычэ ужрад уг кутэ. Уборкалы но дасяськон татын асарказ лэземын. Кузнец'ёс котькуд нунал уг ужало, соослы эгыр, корт уг тырмы.

Строительство но та колхозын упгьямон овёл. 26 май азэлы лэстыса бидэстоно вал курятник, нош та курятниклы инты сяна уськемын овёл на, к у р е г ' ё с у л о льносушилканы. Та бере кылдем'ёс колхозлэн председателез Петров эшлэн ужзэ асарказ лэзем бордысь потэ.

Васильев.

Трудоденьёс ышыло

Б. Кибья сельсоветысь Степан Разинлэн нимыныз нимам колхозын колхозник'ёслэсь ужзэс урод учитыват каро, трудоденьёс ышыло. Колхозлэн председателез тае тодыса но шып улэ.

Г. В.

Отв. редактор М. А. Шарипов.

Июль толэзылы „Коммунизме“ газетлы подпискады быре ке, эн вунэтэ гошкыны.

„Коммунизме“ газет толэзылы 9 пол потэ. Дуныз: арлы—5 манет но 40 к., 6 толэзылы—2 манет но 70 к., 1 толэзылы—45 к. Подписка кутиське вань почтовой отделениосын, агентствоосын но письмоносец'ёсын.

УАССР, г. Можга, Издательствоослэн но Полиграфилэн Управленизылэн типографиез. Тираж 2190 экз. №3744